

Ehuhuọ-Ozi Ibuzo Pita De Pita, Nke Ibuzo

¹ Mmẹ wụ Pita hụn wụ onye-ozi pụ-ichẹn Jesu Kristi de ehuhuọ-ozini jenni ndị nke Osolobue rịleni ulo, hụn rịsonmẹ alị ichen-ichẹn rị Azuụn Pontusu le Galeshiịa le Kapadosia le Eshia le Bitinia—² ndị Chuku Nędi hoto hụn Mmọn-nsọ dọn nsọ—keni wę hụn uzọ humeni Jizosị Kraisti isi, leni wę wuru ndị wę fekpu ẹdeke e—a rị wę ochan. Efoma le udon ya rị nị ọnụ mmagi-mmagi.

Olile-enyia Hụ Rị Ndụn

³ Ojija-mma ya rị nị Osolobue, hụn wụ Chuku le Nędi Onye-nwọnni-enyi wụ Jizos' Kraisti! O giguọ oken omiken e mudonzi enyi, mụ enyi ye imẹ olile-enyia ọhụn rị ndụn. O mè ihienni ebe ọ no gha ọnwun weni Jizosi. ⁴ O megwu enyi wuru nwan ndị k'e nwéhen ihiien ndị hụn o dònmetoni enyi, ihiien ndị hụn ghaleni e rehi mọbu a ruhụ mọbu a fapụ. O bugwu ihiien ndịnị tonyi ụnu imẹ eluigwee. ⁵ O gi nwan ik'en o gi wuru Osolobue e chemẹ ụnu, ghahanị okukwe ọnụ, keni nzuofoha hụ ọ kwademegwu, hụn lalanị ọgugu-ogen, hụn uzọ ru ọnụ eka.

Osolobue Gi Afunfun E Lele Okukwe

⁶ Ihienni Osolobue mè rị nwan e mè ụnu a ghogho—osuon'a nị wę rị nwan e gi afunfun rị ichen-ichẹn e lele ụnu ekere ogem, ⁷ igi ghosi nị

okukwe ụnu wụ nke ezigbo e. Erira kẹ we e gi ọkụn e lele goru makeni ọ rị mkpa—goru hụn e wiwini! Bu okukwe ụnu ka goru mkpa a rị, ka a ọhụnma-ọhụnma! Ya wụ, ọ rịka mkpa nị wẹ lele okukwe ụnu, keni ogen Jizosị k'e gi bia, a ja wẹ ụnu mma, yezikwọ ụnu ogho lẹ mgbaye; ⁸ Jizosị hụn ihien e rị a suọ ụnu—osuon'a nị ụnu e ke leghatu e; ụnu kwerin'e—o suon'a nị ụnu arị nwan e legha a kikenni. Ọhụn e mè ụnu a ghogho ọda-ọda—okèn ighogho ọnụ ghaleni a saeka a kowal ⁹ Ụnu a ghogho ẹnina makeni ụnu hụ e nwonhen erere rị okukwe ụnu—ya wụ, wẹ hụ a zụopụha umē-ndun ụnu.

¹⁰ Nke nzuopuhani, ndị-amuma hụn Osolobue gi ku oku efoma hụn jenkọ d'e ru ọnụ eka te chokēnme alị a, donrin enya leban a enya ebe wẹ n'a chọ nị wẹ ghoha a. ¹¹ Wẹ hụ a ju enwẹn wẹ ihien Mmọn Kraistị rị imẹ wẹ rị e ku oku e ogen o gi gwatọ wẹ afunfun Kraistị k'a ta lẹ ogho k'e son n'e—a ju enwẹn wẹ onyę o rị e ku lẹ ogen o gi jenkọ d'e gi me. ¹² Osolobue nō ghosi wẹ nị ele ifiri wẹ lẹ enwẹn wẹ kẹ wẹ gi e ku ihien ndị ahụn wẹ ku, kanị, ifiri ụnu. Ụnu a nuguo nwan ihien ndị hụ. Ọnụ ndị ahụn weheni ụnu ozioma kẹ ụnu gha nụ wẹ. Ikèn Mmọn-nsọ ahụn Osolobue gha enu-igwee zihe kẹ wẹ gi zi ụnu ya wụ ozioma. Ndị mmọn-ozi nké a chokadé nị wẹ leghadé ihien ndịnị!

Wẹ Kpo Ụnu D'e Bi Obibi Rị Nso

¹³ Ya wụ, konrin ni nwan orun imẹ obi ụnu, e donrin enya e bi; buchanrin nị olile-enya ụnu che ngozi hụ Jesu jenkọ d'e gi efoma a weheni ụnu—ogen o k'e gi bia. ¹⁴ Leké ezigbo ụmu hụn e hume isi, emezile ni ihien ndị hụ te rị a gun ụnu ogen ụnu

keleni mariñ Jizosi. ¹⁵ Kama, obibi ụnu ya rịchanrịn nsọ ụzo ile nöké kẹ Osolobue hụn kpọ ụnu dọn rị nsọ. ¹⁶ Makeni Ekkwọ-nsọ sị, “Rị nị nsọ, makeni mmé nwèn rị nsọ.”

¹⁷ Ebe o mè ni Osolobue hụn ghaleni egbeyeni ony়ে ọwule kẹ ụnu a kpọ Nedi ụnu—Osolobue hụn e gi ihién ony়ে-ony়ে mè e kin e ikpe—gikwọ nị nwān egun e bichanrịn ogenni hօdunị ụnu k'e bi elu-uwani ụnu wụ itumunye.

Kẹ Wẹ Dọn Gbapuha Enyi

¹⁸ Ụnu a marınguọ kẹ Chuku dọn gbapuha ụnu imē obibi-eti hụ ụnu gha eka ndị muni ụnu nwéhen; nị elẹ ihién e wiwini rịkẹ egho ọna (siva) mọbu goru —kẹ wẹ gi gbarị ụnu, ¹⁹ kani, edeke hụn rikemme mkpa—edeke Kraistị, hụn rị kẹ nwa-ebulu ehu a zu oke nwonleni orusi. ²⁰ Osolobue a hotoguọ a nị Osolobue d'e ke ụwa, o ru ogen ikpazụnni, o nō nwān wepuha a ifonrin-ifon make orinimma ụnu.

²¹ Ụnu a ghaguọ nwan eka Kraistị bia d'e gi Osolobue dọn enya, Osolobue hụn gha onwun weli Kraistị, ye Kraist' oghọ. Ya wụ nị Osolobue kẹ ụnu kwerini; Osolobue kẹ ụnu rị e lee enya.

Ony়ে Wẹ Gbafuha Nke-esi E Nwẹ Ezigbo Ihién-osusuo

²² Hunni ụnu chanchanguụ nwan umę-ndụn ọnụ ghahanị ịgbaye ezioku Osolobue, ihién ọnụ ile kwelerini k'a sa nwan eka a suotari ibe ọnụ. Ya wụ, gi ni nwan akpakalị-obi ụnu e nwę ihién-osusuo ibe ụnu. ²³ Ụnu a wuruğuọ ndị wę mudonzi. Ele mkpuru wę gha a mụ ihián hụn a nwunni kẹ Osolobue gha mundonzi ụnu, kama, mkpuru ghaleni a nwun kẹ wę gha mụ ụnu. Mkpuru ahụn wụ

oku Osolobue—oku rị ndụn, hụn a tọ jẹnrin ejen.

²⁴ Makeni, Ehuheuo-nsø sị,

“Ihian ile nohụ kę efifia;

oghị ile ihian nwọn nohụ kę obobo efifia.

Efifia shinwụn, obobo a danpu!

²⁵ Kanị, oku Onyę-nwọnni-enyi

jenkọ d'e turu jẹnrin ejen!”

Oku hụ wụ ozioma hụ wę zi ụnu.

Isi Nke Ebuo

Omuma Hụ Rị Ndụn Lẹ Ebọn Hụ Rị Nso

¹ Ya wụ, wepụ nị nwan ụdị eje-ihiẹn ile ihian gi e sòn ibe e, ero ile, ihunnai, iwe-onya lẹ nkutọ ile.

² Rikę ụmu wę mu nke ọhụn, a nị nị ekpirị mirineran imē-mmọn hụn rị ochan a do ụnu—kení ụnu hụn uzọ a ra a, e gi e e sue imē nzuopuha ụnu, d'e ru isi e, ³ o mè nwan nị ezioku rọ nị ụnu a danminguo efoma Di-nwọnni-enyi, hụn a nị Di-nwònñi-enyi rị mma.

⁴ Unu a biaguo nwan d'e kunrun e: omuma hụn rị ndụn—hụn ihian jụ; kanị omuma wę hɔri ahori, rị oken mkpa, k'o wụ enya Osolobue. ⁵ Imē e, onyę-onyę imē ụnu wuzikwo omuma rị ndụn. Noké omuma ndị rị ndụn, o hụ e gi ụnu a tun ụlo imē-mmọn, kení ụnu hụn uzọ wuru ndị nchụ-ejan rị nso, hụn gha eka Jizosị Kraistị a chu ejan imē-mmọn hụn Osolobue a nabanhān. ⁶ Makeni, Ehuheuo-nsø e kugụ a, sị,

“Lee n'e, m rị e buto omuma imē obodo Zayonu,

omuma gin'e;

omuma m hɔri ahori, rik'enmę mkpa.

Ifenren emekọ onyę hụn kwerini n'e.”

⁷ Ya wụ, ọmụma hụ rị ụnu mkpa ọda-ọda—ụnu ndị kwerini; kanị nke ndị hụn kwerileni—
“Omụma ndị rị a tụn ụno juto,
a wuruołe hụn gi ulo!”

⁸ O wuruożi
“Omụma w'a kpogburu;
nkumé a han wę a dan.”

Makeni agbayeni wę oku hụ, ya haịn wę gi kpogburu—kẹ wę dọn deto ni wę ya.

⁹ Kanị, ụnu nwèn wụ agbọ Chukwu hɔri ahori; ndị nchụ-ejan Eze; ebọn rị nsọ; ndị nke Osolobue—keni ọnu hụn uzọ e mè onyę ọwule a marin oken ọrun rị ichen-ichen Osolobue rụnsònme, Osolobue hụn kpopuha ọnu imẹ ishi bu ụnu che imẹ ukpẹ e rigbu enwèn e mma. ¹⁰ Ogèn mbụ, ụnu “ele ndị nke Osolobue”, kanị, ụnu a wuruołe nwan ndị nke e; mbụ, “omikèn e ेruni ụnu eka”, kanị omikèn e e ruguo nwan ụnu eka.

Enyi Wụ Igboñ Osolobue

¹¹ Ndị rị m obi, m rị a rịo ụnu noké ndị obịa lę ndị rileni anị wę, gbala ni nị egùn ndị hụn a gunsonme ihiyan hụn a luson umē-ndụn ụnu agha. ¹² E bi ni obibi kuru-oto imẹ igunrun ndị alị ndị ozo rị ichen-ichen kwerileni; keni, osuon'a nị wę e kuja oku ụnu noké sị ụnu e mè eje-ihiyen, wę k'a gha a hụn obibio-ma ụnu—e gi w'ę ye Osolobue ogho ogèn o k'e gi bịa.

A Gbaye Ni Ndị Rị A Kịnị

¹³ Gi ni ifiri Di-nwọnni-entyi e hume ni ndị ile rị a kịnị isi—kẹ eze, hụn wụ onyę-isi ndị ọkịkị, ¹⁴ kẹ ndị Govano rị Azuṇi ichen-ichen a kị—noké ndị eze zi d'e ye ndị e mè eje-ihiyen afunfun, a ja ndị mè ihiyen

rị mma mma. ¹⁵ Makeni uche Osolobue wụ ni ụnụ gi imẹ ihiẹn furuni kpukin ndị-nzuzu rị e ku ihiẹn wę marịnleni ọnu; ¹⁶ e mè n'ę kę ndị wuleni igbọn makeni ụnụ e nwènringuọ enwèn ụnụ; ka egikwole ni inwònrin-enwèn ụnụ kpu ẹnya, e mè eje-ihiẹn, ka bi ni kę ndị wụ igbọn okpuru Osolobue. ¹⁷ A gbaye ni ihijan ile; e nwè ni ihiẹn-osusuọ ndị Itu-Kraist' ibe ụnụ; a tụ ni egun Osolobue; a gbaye ni eze.

E Leri Ni Afụnfụn Kraistị Ta

¹⁸ **Ndị wụ idibo mọbu igbọn**, e weluachanriṇ ni enwèn ụnụ alị ebe ndị ụnụ rị okpuru wę rị, a gbaye wę ụzọ ile—ele ndị-efoma lę ndị eka-alulua suọ, kanị kę ndị eka-iken. ¹⁹ Makeni, ihiẹn w'e gi ja i mma rọ omení y'e mèni eje-ihiẹn, e ye wę i afụnfụn furuleni ni wę ye i bụ y'e gi ifiri Osolobue dingbu ụfụ a. ²⁰ Kị wụ erere i n'i dingbu ili wę gbu i, omení eje-ihiẹn i mè kę wę gi gbu i ya wụ ili? Kanị, omení y'a ta afụnfụn makeni i mè ihiẹn rị mma, bụ y'e digbu e, Osolobue k'e gi ifiri e gozi i. ²¹ Ya kę wę kpóni ụnụ; makeni Kraistị tazikwọ ni ọnu afụnfụn, latọ ni ọnu ihiẹn ụnụ e leri, keni ọnu hụn ụzọ e sòn nzom'ükü a.

²² O mètuni njo;
oku-ndufie aghatun'ę ọnu pụha.

²³ Ogèn wę gi kpari e,
 o kparigwarinị wę;
ogèn o gi ta afụnfụn,
 o nyannị isi n'o k'e mè ihiẹn ọwule.
Kama,
 o n'o we enwèn e
 kwani Osolobue,
 onye hụn a han ezigbo enen.

²⁴ Kraistị lẹ enwèn e gi ẹhụ a buru njo ẹnyi, bu e shi elu obe osisi ahụn, keni ẹnyi gi ẹhụ a nwùnnahin njo, gi ndùn ẹnyi mémé ihiẹn Osolobue cho. Ẹhụ wé rúsonmè e kę ẹnyi gi nwé nzùorí. ²⁵ Ụnu te rị a kpahu kę atụnrụn, kani ọnu e kinhengwo nwan, buru onyé hụn e du umé-ndùn ụnu ríké anu, e chemè e.

Isi Nke Etɔ

Di Lẹ Nwunye

¹ **Nwunye**, mezikwo eríra. E humeni di i isi, keni, ọṣoṇ'a ní o nwégho ndí di kweriléni oku Osolobue, e gi wé omumé nwunye wé dòbanhan wé imé Osolobue—bụ o nwónni oku wé gwa wé; ² makéni di i k'a rị a hụn kę i dòn rị e bi ọhúnma, e gi egún Osolobue e bi.

³ Anílè ni mma ụnu würü nke ẹhụ —mma ichọ ntutu mma lẹ iyi goru lẹ iyi ékwa ma mma. ⁴ Ka ní ní mma ụnu würü hụn rị imé obi, mma ahụn ghaleni a fapụ —mma imé-jụụ lẹ agungún ọmehéen—hụn ríkénmè mkpa ẹnya Osolobue. ⁵ Ènína kę ikpoho rị nsø hụn gi Osolobue e dòn ẹnya dòn cho enwèn wé mma mbụ-mbụ ghahaní ihumé ni ndí di wé isi. ⁶ Èríra kę Sara dòn gbaye Ebrahim, a kpọ a “nna-m.” Ụnu wụ ụmu a ikpoho o mékwo ní ụnu e mésomné ihiẹn rị mma, ní ụnu anini egún ihiẹn k'e méri ụnu kusi ụnu.

⁷ **Ndí di**, eríra k'o rízikwo ebe ọnu rị. Di, gi uche e sòn nwunye i—a nyanhan ní okpoho ka alulua a rị; e ye e oghø makéni o nwézikwo ndùn ọhún hụn Osolobue e ye ọfè kę yụ nwèn dòn nwé. E mè ni ènína maké ọdakin ọwule gha a rị ekpere ụnu.

İta Afunfun Makeni I Mę İhiyen Rı Mma

⁸ Nke ıkpazụn, **unu ile**, a wụ nị ohu imẹ mmọn; ọnodi ibe ọnụ ya e metụ ụnụ; a nị nị ihiyen ibe ụnụ a suø ụnụ rịké umunę; e nwę ni obi alulụa; e wenụa nị enwèn ụnụ ali imẹ obi ụnụ. ⁹ Emegwarikwole ni ihiyan eje-ihiyen mọbu kpogwarị wę iyi. Hun nké ụnụ e gi megwari wę, gi ni ngozi kụ wę ugwo, makeni ngozi kę Osolobue kpónị ọnụ, iya k'o cho eka ụnụ.

¹⁰ Makeni Ehuhuq-nso si,

“Onyę cho ndun,
onyę cho nị elu e rị mma,
ya wefụ eje-ihiyen ire e;

ya wepuzikwo oku-ndufie ugb'ọnụ a.

¹¹ Ya gbakịtọ eje-ihiyen azụn—

mesonmę ihiyen rị mma;
ya choma udọn,
chusonmę e.

¹² Makeni,

enyá rị mma kę Di-nwónni-enyá e lee

ndị e mę ihiyen o cho,
ntin a rizikwo ekpere wę.

Kani,

eje-enyá k'o lee
ndị e mę eje-ihiyen.”

¹³ Onyę k'a sa nwan eka mę ụnụ ihiyen ọwule omení ụnụ wụ ndị e mę ihiyen rị mma? ¹⁴ Kani, osuon'a nị ụnụ ta afunfun makeni ụnụ mę ihiyen Osolobue cho, ya wụ nị ndị Osolobue gozi kę ụnụ wụ. Atule ni nwan egun wę; emehunmélé ni. ¹⁵ Ka yechanrin nị Kraistí ọnodi run'e imẹ obi ụnụ nokę Di-nwéni-ụnụ, ụnụ a kwademę ogèn ile nị ọnụ a kowanị onyę ọwule k'a jụ ụnụ ihiyen haín ụnụ gi nwọn olile-enyá ụnụ nwę. ¹⁶ Ka e gi ni nwayo lę

mgbaye e me e. E dönme ni obi unu ochan, keni ifenren me ndi hun e kutu omume oma unu ri e me imé Kraisti.

¹⁷ Makeni o ka mma ni ihiyan gi ifiri ihiyen ri mma o me ta afunfun, omeni uche Osolobue ro, kari ni ihiyan gi ifiri eje-ihiyen o me ta afunfun. ¹⁸ Makeni, Kraisti gi ifiri njo tazikwo afunfun, nwun; mgbe ohu k'o nwun, o nwunkozì, Onye ri ochan hun nwunnı ndi njo onwun—keni o hun uzor wéhe enyi ile ebe Osolobue ri. Wé gbu e, o nwunhun kë ihiyan don a nwun, kanı Chuku no me e ri ndun imé-mmón. ¹⁹ Ogen o gi ri imé-mmón, o no jen d'e zi ndi-mmón ri imé ngan ozi oma— ²⁰ ndi hun gileni oku-Chuku wé gwa wé don ogen mbu, ogen mbu ahun Osolobue gi ri e din ndidi e che; ogen hu Nua gi ri a tun ugbo-mirin hu. Ndi wé gi ya wu ugbo-mirin zuopuha ebuni odata, ya wu, wé ri madu esato suqo; mirin ahun kë wé ghaha zuopuha wé. ²¹ Wé gi onwan gwato enyi kë mirin-Chuku hun wé gha nwan a zuopuha unu kikenni no. Ele ni w'e gi mirin-Chuku a wupu unyin ri ihiyan ehü, kama, ihiyan gi e a ghosi Osolobue ni o gi obi e ile bia d'e kunrun e. O zuopuha unu makeni Jesu gha onwun lihi. ²² Jesu Kristi a lashiguo nwan elu-igwee; o nodi nwan ekananni Osolobue; ndi mmón-ozi ile le okiki ile le ikení ile ri nwan okpuru e.

Isi Nke Eno

Obibi Ndị Wé Gbehutoguụ

¹ Ebe o me ni Jizosí narin afunfun noké ihiyan, gun ni nwan agungun ohu hu o gun, unu e konrin imé obi onu. Makeni, onye gi ifiri Kraisti kpachanpu

enya narin afunfun imē ndunnị a jụgụo njo—² a ra bizi n'o mē ihiẹn ndị hụn a gun ihiān, kama, o bi ndun a hodunị enu-uwā kę Chuku dọn cho.

³ Ogèn ụnu tuhu ogèn mbụ ebe ụnu rị e mèsonmè ihiēn ndị hụn a suq ndị ghaleni e fe Chuku ụsụo e higụo. Rikę wę, ụnu te rị e bi obibi ifenrèn ogèn hụ, eje-ihiēn a gunsonmè ụnu; ụnu a ra manya a tụ, e mē eje-mmèmmè, e jen ogbo manya, ọnụ a rụa mmɔn ọnụ a mariñzị hụn ụnu ruakọ.

⁴ O tuka wę nwan enya nị ụnu arizị e sòn wę e bi obibi ahụn na iwi—wę hụ e gi e e kuja oku ụnu. ⁵ Kani wę jenqo d'e ye Osolobue mgbakọ—Osolobue hụn rị nwan e che ni ogèn ru n'o kin ndị rị ndun lę ndị nwunnị ikpe.

⁶ Onwan haiñ wę gi zizikwọ kę ndị nwunnị ozioma, keni wę hụn uzo rị ndun imē-mmɔn rikę Osolobue, osuon'a nị a naringuọ wę ikpe-omuma, nwụn kę ihiān.

Kę Wę Dọn A Run Ọrun Osolobue

⁷ Ihiēn ile e d'e ru njendemē; e kwondon ni nwan enwèn ụnu, a wụ ndị ghaleni e gi okukwe wę e gu egū. E mē n'ę makę ọdakin gha a rị ekpere ụnu.

⁸ Hụn kachanrin mkpa, e nwę ni ihiēn-osusụo ndị Itu-Kraist' ibe ụnu ogèn ile, makeni ihiēn-osusụo e kpumē njo bu odata. ⁹ E gichanrin nị obi ụnu a nabanhān ibe ụnu iwe ụnu—e dēnwinnwinlę ni.

¹⁰ Rikę ezigbo ndị-nlepụ enya, hụn Osolobue mени ęfoma yesonmè oyiye ichen-ichen, onyę-onyę imē ụnu ya gi oyiye o nwęhen eka Osolobue e yeni ibe e eka. ¹¹ Onyę ọwule hụn e kuni, ya ku ihiēn Osolobue ku—rikę onyę Osolobue gi e ku; onyę ọwule hụn a run Ọrun Ọwule ya gi ikęn Osolobue ye

é rùn a, keni oghø hùn uzò a bìa nì Osolobue imé ihièn ile ghahaní Jesu Kristi. Oghø lè iken ile wù nke é jenrin ejen. Iséé.

Ita-afunfun Noké Onyé Nke Kraistí

¹² Ndì rì m obi, anikwole ni okèn afunfunni unu rì a ta, hùn wé gi rì e lele unu, tu unu enya noké sì ahùnlele ro. ¹³ Ka ghoghomá nì, makèni unu rì e son Kraist' a ta afunfun a—keni unu hùn uzò nwé ighoghogho, e yi oro-ighoghogho ogèn oghø a k'e gi puhachanrin ifòn.

¹⁴ Omèni wé gi ifiri Jesu Kristi kpari unu, onu a wuruołe ndì Osolobue gozi, makèni oħun ghosi nì Mmón ahùn nwé oghø hùn wù Mmón Osolobue nokwasí onu. ¹⁵ Ka emékwole ni ndì rì a ta afunfun makè eje-ihièn wé me—makè igbu-ochu móbu izu-ohin móbu makèni iħian wu eje-iħian lè n'o me eje-ihièn wé gi a chø iħian móbu nì iħian a chosonmè oku.

¹⁶ Kanj, omèni y'a ta afunfun makèni i wù onyé Itu-Kraistí, ewerile e ihièn-ifènren, ka ja Osolobue mma n'i rì a za əfan hu, n'i rì a za “Onyé nke Kraistí.” ¹⁷ Makèni, ogèn e ruołe hùn okinkin-ikpe e gi bidòn—bu o k'a għa imé ułø Osolobue bidòn. O me nwán nì okinkin-ikpe k'a għa eka enyi ndì nke Osolobue bidòn, kini rì e che ndì nupu nì ozioma Osolobue isi? ¹⁸ Ozożi,

“Omèni nzuopuha fu ndì ezi-omumé orun nanj k'o k'a rì nì ndì-njo

lè ndì għaleni e fe Osolobue?!”

¹⁹ Ya wù, ndì hùn rì a ta afunfun—uđi afunfun hùn wù uche Osolobue—wé we nwán enwén wé che eka Onyé-okike hu hùn furu w'e gi dòn enya; wé mësonmè mma.

Isi Nke Isen

Ndi-isu Uka Lẹ Ndị Wę Keye Wę Lefu Enya

¹ M rị nwan a riọ ndị-isu rị imé ụnu—**m rị a riọ ụnu** nöké onyé isi ibe ụnu lẹ onyé gi enya a hụn afunfun Kraistị ta lẹ onyé rị ndị k'e nwéhen ogħo ahụn lalani: dodo ni, ² e lepù nị atunrun Osolobue hụn wę buche ụnu eka enya; e du ni wę. Arụnlę ni nöké sị wę wa a ye ọnụ olu, ka shiapụ nị efọ run a—nöké kę Osolobue dọn chọ; egile ni ekpíri ihiēn ụnu k'e nwéhen mè e, ka mè n'è makéni irùn nị Osolobue orùn rị a dù ọnụ. ³ Emelę ni ndị wę keye ụnu lepù enya nöké sị ụnu nwé wę; kama, a wúrụ nị nị wę ihiēn-nleri, ⁴ keni, ogen Onyé isi ndi-ndu atunrun e gi bia, ụnu e nwéhen okpu-eze ogħo ahụn għaleni a fapu hụn o k'e gi tu ụnu ugħon.

⁵ Erirazikwò, ụnu ndị rị ibe ali, ndị hodunị, e humeni ni ndị-isu isi.

Unu ile, e welua nị enwèn ụnu ali ebe ụnu lẹ ibe ụnu rị e mè ihiēn. Makéni, Ehuhuq-nso sị,
“Osolobue a nökin onyé-mpache uzo,
kanị,
o mè ni onyé e welua enwèn e anị efoma,
e yen'è eka.”

⁶ Ya wụ, wenua nị nwan enwèn ụnu ali che okpuru Osolobue hụn nwé ikèn hi-ogbe—keni ogen ru, o bushi ụnu elu—⁷ ụnu e bu mkpa ile ụnu nwé kwasi a, makéni orijimma ụnu rị a obi.

⁸ E dònrin ni enya; e che ni nche—makéni eñenren ọnụ wụ Ekwensu rị aghahunmè nöké eworō rị e dènni, a chọ onyé o k'a nwụn ri. ⁹ Chekènmet ń'è nwan ögħun! E turukènmet ni imé okukwe ọnụ —ebe o mè ni ụnu a maringħo nị ndị Itu-Kraistị

ibe ụnu ile rị ụwa rị a tazi ụdi afunfun ohu hụ.
10 Kanị, ụnu tagụụ afunfun ekere ogēn, Osolobue hụn e mechanchin efoma ile, hụn kpọ ụnu d'e du e nwọnrin ogho-itebite ahụn rị imē Jizos' Kraistị, k'e donzichanrin ni ụnu ihiẹn, mē ụnu turu, mē ụnu ze, mē ụnu nodichanrin oğunma, obi e ruchanrin ụnu ali.

11 Ikèn ile wụ nke e jenrin ejen! Isẹe.

Ekele Ikpazụn

12 Sivanosi*, ya yeni m eka de ehhuhuo-ozini mē ekere; nwene enyi m weri n'o furu onyé wé gi e dọn enya k'o wụ. M de e keni m gi e gba ụnu umē, gizi e ku ni ọnwan wụ ezigbo efoma ahụn Osolobue mē ni ihiān; turukēnmē ni imē e.

13 Uka ahụn rị Babilonu, hụn wé hori kę wé dọn hori ụnu, e zigho ekele ụnu. Nwa m wụ Makị e keleghozikwọ ọnụ. **14** Dide ni ibe ọnụ odide ihiēn-osusuo.

Udọn ya rị ni ụnu ile hụn rị imē Jizos' Kraistị.

* **Isi Nke Isen:12** Iya wụ Sajlasị.

Elu Ohun: Ekukwɔ-Nso (Azuun Ohun rɪn'a) Revision of New Testament in Ika

copyright © 2010 Wycliffe

Language: Ika

Translation by: Wycliffe

Ika (ikk) Nigeria

In Nigeria the word Ika is not only the name of the Ika people, but is also used to designate a local government area in the Akwa Ibom State. The Ika people are a sub group of the Igbo people. It is interesting to note that Ika is the name of a town in Croatia is one of the eight Annang local government areas of the local government areas in Akwa Ibom State. An alternative name for the Ika people is Ika-Annang. There appears to be another dialect of Ika that is spoken in Delta State of Nigeria.

Copyright Information

© 2010, Wycliffe. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789037056

Revision

The New Testament

in Ika

© 2010, Wycliffe. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 11 Nov 2022 from source files
dated 29 Jan 2022

31b0248e-272a-5dee-8226-bcc00c54d9b1